

ქ. თბილისი „ „ „ 2023 წელი
ერთის მხრივ, სახელმწიფო საქვეუწყებო დაწესებულება გარემოსდაცვითი ზედამხედველობის დეპარტამენტი (შემდგომში „შემსყიდველი“) წარმოდგენილი მისი უფროსის „ ----- “ სახით და მეორეს მხრივ „ ----- “ (შემდგომში „მიმწოდებელი“) წარმოდგენილი მისი „ ----- “, სახელმწიფო შესყიდვების კანონის და მიმწოდებლის სატენდერო წინადადების საფუძველზე SPA ----- ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ – SPA_ ტენდერის სატენდერო დოკუმენტაციის ტექნიკური დავალება, რომელიც არის ხელშეკრულების განუყოფელი ნაწილი.

2. ხელშეკრულების საგანი

2.1 მიმწოდებელი იღებს ვალდებულებას მაღალ დონეზე და სრულფასოვნად, საკუთარ სერვის ცენტრებში, საკუთარი პერსონალით, სახარჯი მასალებით და ახალი სათადარიგო ნაწილებით განახორციელოს გარემოსდაცვითი ზედამხედველობის დეპარტამენტის კუთვნილი ავტომობილებისა და მათთან დაკავშირებული მოწყობილობების შეკეთება და ტექნიკური მომსახურება დანართი №1 ტექნიკური დავალების, დანართი №2 პრეისკურანტის და დანართი №3-ის შესაბამისად (CPV-50100000), რომელიც თან ერთვის ხელშეკრულებას და რომელიც წარმოადგენს ხელშეკრულების განუყოფელ ნაწილს) (შემდგომში მომსახურება) ამ ხელშეკრულების პირობების შესაბამისად.

3. მომსახურების ღირებულება

- 3.1 მთლიანი სახელშეკრულებო თანხა მიმწოდებლისათვის საქართველოს კანონმდებლობით დადგენილი ყველა გადასახადის გათვალისწინებით შეადგენს ----- ლარს.
- 3.2 პრეისკურანტის ჯამური ღირებულება შეადგენს ----- ლარს.

4. მომსახურების მიღება-ჩაბარება

- 4.1 მომსახურების შესრულება დასტურდება ორივე მხარის მიერ ხელმოწერილი მიღება-ჩაბარების აქტით, რომლის გაფორმების საფუძველს წარმოადგენს შემდეგი დოკუმენტები: მიმწოდებლისა და შემსყიდველის უფლებამოსილი პირების მიერ დამოწმებული დეფექტური და შესრულებული სამუშაოს აქტები და წინამდებარე ხელშეკრულების მე- 13 მუხლის 13.1 პუნქტით განსაზღვრული ინსპექტირების ჯგუფის დადებითი დასკვნა.
- 4.2 მომსახურების მიღების დამადასტურებელ დოკუმენტაციას ამზადებენ სათანადოდ უფლებამოსილი პირები.
- 4.3 შემსყიდველი მიღება-ჩაბარების აქტის მიღებიდან 10 (ათი) სამუშაო დღის განმავლობაში განიხილავს აქტში დაფიქსირებული მომსახურების შესაბამისობას ხელშეკრულებით დადგენილთან, ხოლო შესაბამისობის შემთხვევაში იღებს მომსახურებას.
- 4.4 მომსახურების მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 4.5 შემსყიდველი ვალდებულია ოპერატიულად, წერილობითი სახით, (დასაშვებია ელ. ფოსტის საშუალებითაც შემდეგ მისამართზე -----) აცნობოს მიმწოდებელს საბოლოო შემოწმების შედეგები დაწუნებული მომსახურების ან/და დეფექტური სათადარიგო ნაწილის რაოდენობის და წუნდების მიზეზის მითითებით, ხოლო მიმწოდებელი ვალდებული ასეთი შეტყობინების მიღებიდან არაუმეტეს 24 საათში აღმოფხვრას საკუთარი ძალებითა და სახსრებით დეფექტი.

5. მომსახურების განხორციელების ვადები და ადგილი

- 5.1 მომსახურება უნდა განხორციელდეს 2024 წლის 01 იანვრიდან 2024 წლის 30 დეკემბრის ჩათვლით.
- 5.2 მომსახურება განხორციელდება მიმწოდებლის სერვისცენტრებში, მისამართზე:

6. მხარეთა უფლება-მოვალეობანი

6.1 მიმწოდებელი ვალდებულია:

6.1.1 განახორციელოს წინამდებარე ხელშეკრულებით გათვალისწინებული მომსახურების გაწევა (მომსახურებისათვის საჭირო ახალი სათადარიგო ნაწილების გათვალისწინებით) თანდართული ტექნიკური დავალების მიხედვით (დანართი №1), რომელიც წარმოადგენს ხელშეკრულების განუყოფელ ნაწილს;

6.1.2 მომსახურება გაწეული უნდა იქნას დაუყოვნებლივ, რიგგარეშე, ამასთან მომსახურების ვადა თითოეულ შემთხვევაზე არ უნდა აღემატებოდეს სავალი ნაწილებისათვის - 1 ან 2 დღეს; ელექტროობისათვის - 1 დღეს; ძირითადი აგრეგატებისათვის - 1 ან 3 დღეს. იმ შემთხვევაში თუ საჭიროა ძრავის კაპიტალური რემონტის ჩატარება შესაძლებელია მომსახურების ვადა განისაზღვროს შემსყიდველთან შეთანხმებით, მაგრამ არაუმეტეს 10 კალენდარული დღეს, ხოლო თუ ავტოტექმომსახურება ეხება დეფიციტური სათადარიგო ნაწილით უზრუნველყოფას, მომსახურების გაწევის ვადა განისაზღვრება არაუმეტეს 20 (ოცი) კალენდარული დღით. ამასთან, თუ რომელიმე სათადარიგო ნაწილის რეალიზაციას ახორციელებს საქართველოს ტერიტორიაზე არსებული ერთი ორგანიზაცია მაინც, ასეთი სათადარიგო ნაწილი არ ჩაითვლება დეფიციტურ ნაწილად;

6.1.3 შემსყიდველის წარმომადგენლის მიერ ავტომანქანის მიმწოდებლის სერვისცენტრში (მათ შორის ქვეკონტრაქტორის სერვისცენტრში) შეყვანიდან მაქსიმუმ მიმდინარე სამუშაო დღის განმავლობაში მიმწოდებელი ვალდებულია შეადგინოს დეფექტური აქტი და შემსყიდველის თანხმობის (შესაძლებელია შემსყიდველის მიერ განხორციელდეს დეფექტურ აქტში მითითებული მომსახურების ან საქონლის რაოდენობის კორექტირება) შემდეგ (დეფექტურ აქტში აუცილებლად უნდა დაფიქსირდეს თარიღი და დრო) მიმწოდებელმა დაიწყოს მომსახურების განხორციელება, ამასთან, თუ შემსყიდველის წარმომადგენლის მიერ ავტომანქანის მიყვანა განხორციელდა მიმწოდებლის იმ სერვისცენტრში (მათ შორის სუბკონტრაქტორის სერვისცენტრში) რომელიც არ მდებარეობს ქ. თბილისში, მიმწოდებელი და შემსყიდველი ვალდებულნი არიან დეფექტურ აქტზე თანხმობა დაადასტურონ ქ. თბილისში მიმწოდებლის ან შემსყიდველის მისამართზე;

6.1.4 თუ რომელიმე მომსახურების შესრულებას მიმწოდებელი ვერ განახორციელებს საკუთარ სერვისცენტრში (მათ შორის ქვეკონტრაქტორის სერვისცენტრში), იგი ვალდებულია მიმწოდებლის ავტომანქანა საკუთარი ხარჯებით გადაიყვანოს იმ სერვისცენტრში, რომელშიც შესაძლებელი იქნება აღნიშნული მომსახურების განხორციელება;

6.1.5 მიმწოდებელი იძლევა გარანტიას, რომ მომსახურება იქნება სრულფასოვანი, ხარისხიანი და სრულად შეესაბამება ამ ხელშეკრულების მოთხოვნებს. მომსახურების შესრულების პროცესში ამ ხელშეკრულების ფარგლებში გაითვალისწინოს და შეასრულოს შემსყიდველის ყველა შენიშვნა, მითითება, რომლებიც შესაბამისობაშია ამ ხელშეკრულების პირობებთან;

6.1.6 მიმწოდებლის მიზეზით, ან დაუდევრობით შემსყიდველის ავტოსატრანსპორტო საშუალებებისათვის მიყენებული ზიანის სრული ანაზღაურება ეკისრება მიმწოდებელს. იგი პასუხისმგებელია გაწეული მომსახურების ხარისხზე და შესაბამისობაზე;

6.1.7 მიმწოდებელი ასევე იძლევა გარანტიას რომ მის მიერ შემსყიდველისათვის მიწოდებული ავტომანქანის ნაწილები, რომელთა დაყენებასაც იგი უზრუნველყოფს შემსყიდველის კუთვნილ სარემონტო ავტომობილზე იქნება ახალი, ხარისხიანი და ნორმალური ექსპლუატაციის პროცესში არ გამოავლენს დეფექტს და წუნს;

6.1.8 მიმწოდებელს უფლება აქვს მოითხოვოს გაწეული მომსახურების ანაზღაურება ამ ხელშეკრულების პირობების შესაბამისად;

6.1.9 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები სხვა მესამე პირს;

6.1.10 მიმწოდებელი ვალდებულია სერვისცენტრ(ებ)ის მისამართების შეცვლის ან დამატების შემთხვევაში დაუყოვნებლივ აცნობოს შემსყიდველს წერილობითი ფორმით.

6.2 შემსყიდველის უფლება-მოვალეობები:

6.2.1 შემსყიდველს უფლება აქვს მოთხოვოს მიმწოდებელს წინამდებარე ხელშეკრულებაში აღნიშნული მის მიერ აღებული ვალდებულებების განუხრელი შესრულება;

6.2.2 შემსყიდველი უფლებამოსილია ავტოტექმომსახურების განხორციელების პროცესში ან დასრულებისთანავე განახორციელოს მიმწოდებლის მიერ გაწეული მომსახურების შემოწმება/კონტროლი, ავტომობილის ტესტირება, ხოლო მიმწოდებელი ვალდებულია ხელი შეუწყოს შემსყიდველის წარმომადგენლებს ხელშეკრულების პირობების შესრულების მიმდინარეობის ინსპექტირებისას;

6.2.3 ავტომობილის ტესტირების (შემოწმების) შემდეგ თუ შემსყიდველს არ გააჩნია პრეტენზია განხორციელებული მომსახურების ხარისხზე, იგი ვალდებულია ჩაიბაროს განხორციელებული მომსახურება და აანაზღაუროს განხორციელებული მომსახურების ღირებულება ამ ხელშეკრულებით განსაზღვრულ ვადებში;

6.2.4 შემსყიდველს უფლება აქვს არ აანაზღაუროს მიმწოდებლის მიერ გაწეული მომსახურება და არ მიიღოს იგი თუ მომსახურების გაწევისას ან შემდეგ დაფიქსირებული იქნა ხარვეზები და დეფექტები და მოითხოვოს მიმწოდებლისაგან უმოკლეს ვადაში გამოსწორება;

6.2.5 შემსყიდველი უფლებამოსილია არ მიიღოს მიმწოდებლის მიერ გაწეული მომსახურება და არ აანაზღაუროს იგი იმ შემთხვევაში თუ მომსახურება არ შეესაბამება ხელშეკრულებით გათვალისწინებულს, თუ შემოწმებების შედეგად აღმოჩნდა ნაკლოვანებები და მიმწოდებელი ვერ შეძლებს ამ ხელშეკრულების პირობების განუხრელ შესრულებას და

ნაკლოვანებების უმოკლეს ვადაში გამოსწორებას. ასეთი ფაქტის დადგომის შემთხვევაში შემსყიდველი უფლებამოსილია ამ ხელშეკრულების პირობების შესაბამისად მიმწოდებელს დააკისროს პირგასამტეხლო და შეწყვიტოს ხელშეკრულება;

6.3 ამ მუხლის 6.1 პუნქტის 6.1.1 ქვეპუნქტით გათვალისწინებულ შემთხვევაში თუ აღმოჩნდება, რომ დანართი N2-ით არ არის გათვალისწინებული ავტომატური საჭირო მომსახურება ან/და საჭიროა სათადარიგო ნაწილების გამოყენება, მხარეები უფლებამოსილნი არიან აღნიშნულის შესახებ გააფორმონ წერილობითი შეთანხმება (ურთიერთშეთანხმება), რომელიც ორივე მხარის მიერ ხელმოწერისთანავე გახდება ამ ხელშეკრულების განუყოფელი ნაწილი. შეთანხმებაში მიეთითება გასაწევი მომსახურების ან/და სათადარიგო ნაწილების ღირებულება. ამასთან, მომსახურების რომელიმე ერთეულის არარსებობისას, აღნიშნული ერთეულის ფასი მისი შესყიდვის აუცილებლობისას დგინდება შემსყიდველი ორგანიზაციისა და მიმწოდებლის შეთანხმებით საბაზრო ფასის გათვალისწინებით. ასეთ შემთხვევაში პრეისკურანტში (დანართი №2) ავტოსატრანსპორტო საშუალების ტექნიკური მომსახურების ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს;

6.4 პრეისკურანტში ავტოსატრანსპორტო საშუალების ტექნიკური მომსახურების რომელიმე ერთეულის არარსებობისას, აღნიშნული ერთეულის ფასზე მიმწოდებლის მიზეზით (მიმწოდებლის მიერ არასაბაზრო და არარეალური ფასის წარმოდგენის შემთხვევაში) შემსყიდველსა და მიმწოდებელს შორის შეუთანხმებლობის შემთხვევაში შემსყიდველს უფლება აქვს ცალმხრივად გაწყვიტოს ხელშეკრულება მიმწოდებელთან;

6.5 შემსყიდველს უფლება აქვს ნებისმიერ დროს შეწყვიტოს ხელშეკრულება მიმწოდებლისათვის წინასწარ 3 (სამი) კალენდარულ დღით ადრე შეტყობინების შემდეგ;

7. გარანტია

7.1 მიმწოდებელი იძლევა გარანტიას, რომ განხორციელებული მომსახურება და ახალი სათადარიგო ნაწილები იქნება ხარისხიანი და შეესაბამება ხელშეკრულების მოთხოვნებს.

7.2 საგარანტიო პირობები განსაზღვრულია ხელშეკრულების დანართი №3-ის მიხედვით.

8. ანგარიშსწორება

8.1 ანგარიშსწორება მიმწოდებელთან განხორციელდება ეტაპობრივად, მომსახურების გაწევისა და საქონლის მიწოდების შემდეგ, მიმწოდებლის მიერ მიღება-ჩაბარების აქტისა და შესაბამისი ფინანსური დოკუმენტაციის წარმოდგენიდან 10 (ათი) სამუშაო დღის განმავლობაში, ხოლო დეკემბრის თვეში 5 (ხუთი) კალენდარული დღის განმავლობაში.

8.2 ანგარიშსწორება განხორციელდება უნაღდო ანგარიშსწორების ფორმით ლარებში.

9. ხელშეკრულებაში ცვლილებების შეტანა

9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

9.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩათვლება ხელშეკრულების განუყოფელ ნაწილად.

10. ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო

ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

11. მხარეთა პასუხისმგებლობა

11.1 შემსყიდველი უფლებამოსილია მიმწოდებლის მიერ ხელშეკრულებით განსაზღვრული მომსახურების მიწოდების ვადების დარღვევის შემთხვევაში დააკისროს მიმწოდებელს პირგასამტეხლო დროულად მიუწოდებელი მომსახურების ღირებულების 0.02 %-ის ოდენობით ყოველ გადაცილებულ დღეზე.

11.2 იმ შემთხვევაში, თუ მიმწოდებელი ხელშეკრულებით განსაზღვრული მომსახურების გაწევის ვადას გადააცილებს 30 (ოცდათი) კალენდარული დღით შემსყიდველი ვადაგადაცილებულ დღეებზე დაკისრებულ პირგასამტეხლოსთან ერთად დააკისრებს მიმწოდებელს პირგასამტეხლოს ხელშეკრულების შეუსრულებელი ვალდებულების ღირებულების 10 (ათი) პროცენტის ოდენობით და იტოვებს უფლებამოსილებას შესწყვიტოს ხელშეკრულება.

11.3 პირგასამტეხლოს გადახდა არ ანთავისუფლებს მიმწოდებელს ნაკისრი ვალდებულების შესრულებისაგან.

12. ხელშეკრულების შეწყვეტა მისი პირობების შეუსრულებლობის გამო

12.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

12.1.1 თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია განახორციელოს მთლიანი მომსახურება ან მისი ნაწილი;

12.1.2 თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

12.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

12.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

12.3.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

12.3.2 მიმწოდებლის გაკოტრების შემთხვევაში;

12.3.3 საქართველოს კანონმდებლობით გათვალისწინებულ სხვა შემთხვევებში.

13. ხელშეკრულების შესრულების ინსპექტირება

13.1 შემსყიდველს უფლება აქვს მიმწოდებლის მიერ მომსახურების განხორციელების ნებისმიერ ეტაპზე, განახორციელოს ინსპექტირება. ინსპექტირებას ახორციელებს შემსყიდველის უფლებამოსილი წარმომადგენლები: --- (შემდგომში „ინსპექტირების ჯგუფი“).

13.2 ინსპექტირების ჯგუფის ფუნქციებია:

13.2.1 გაუწიოს კონტროლი მომსახურების განხორციელების ვადების ხელშეკრულების მოთხოვნებთან შესაბამისობის დადგენას.

13.2.2 დაადგინოს შეესაბამება, თუ არა განხორციელებული მომსახურება ხელშეკრულების მოთხოვნებს.

13.3 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.

13.4 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

14. ფორს-მაჟორი

14.1 ამ მუხლის მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

14.2 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

15. სადაო საკითხების გადაწყვეტა

15.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოავარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

15.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს სასამართლოს.

15.3 პირობები რომლებიც არ რეგულირდება ამ ხელშეკრულებით მიიღება საქართველოს მოქმედი კანონმდებლობის შესაბამისად.

16. სხვა პირობები

16.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას ამ ხელშეკრულებისა და მოქმედი კანონმდებლობის შესაბამისად.

16.2 შემსყიდველი უფლებამოსილია შეწყვიტოს ეს ხელშეკრულება ცალმხრივად და მოსთხოვოს მიმწოდებელს ზიანის ანაზღაურება თუ მიმწოდებელი ვერ უზრუნველყოფს თავის ვალდებულებების ჯეროვან შესრულებას. ასეთი ფაქტის დადგომის შემთხვევაში შემსყიდველმა წინასწარ 10 (ათი) კალენდარული დღით ადრე მაინც წერილობით უნდა აცნობოს მიმწოდებელს.

17. ხელშეკრულების მოქმედების ვადა

17.1 ეს ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს 20-- წლის -- () ჩათვლით, გარდა ამ ხელშეკრულების მე-7 მუხლისა.

17.2 ხელშეკრულების მე-7 მუხლი ძალაშია ხელმოწერის დღიდან და მოქმედებს გარანტიის სრული პერიოდის განმავლობაში.

17.3 მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება ქართულ ენაზე, ხელშეკრულება შესრულებულია და ხელმოწერილია ელექტრონულად/ელექტრონული შტამპით რომლის ყოველი ელექტრონული ეგზემპლარი ორიგინალია

18. ხელშეკრულების შესრულების გარანტია

18.1 იმისთვის, რომ თავიდან იქნას აცილებული რისკი, წარმოქმნილი მიმწოდებლის მიერ სახელმწიფო შესყიდვების შესახებ ხელშეკრულების შეუსრულებლობის გამო, გამოიყენება ხელშეკრულების შესრულების უზრუნველყოფის საბანკო გარანტია, ხელშეკრულების მთლიანი ღირებულების 5(ხუთი) პროცენტის ოდენობით, რომელიც ძალაშია 20-- წლის

18.2 მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ, მიმწოდებლის წერილობითი მოთხოვნიდან 10 (ათი) სამუშაო დღის ვადაში შემსყიდველი დაუბრუნებს მიმწოდებელს ხელშეკრულების შესრულების უზრუნველყოფის საბანკო გარანტიას.

18.3 ხელშეკრულებით ნაკისრი ვალდებულებების არასრულად ან არაჯეროვნად შესრულების შემთხვევაში, შემსყიდველი არ დაუბრუნებს მიმწოდებელს ხელშეკრულების შესრულების უზრუნველყოფის საბანკო გარანტიას და იმოქმედებს საქართველოს კანონმდებლობის ფარგლებში.

„შემსყიდველი“

„მიმწოდებელი“
